



Universitätsbibliothek Paderborn

**R. P. Pavli Laymann è Societate I: Theologiæ Moralis
Compendiv[m] absolutissimum et in quinq[ue] libros
partitum**

Laymann, Paul

Moguntiæ

14. De Effectu legis ac præcepti humani, quæ est obligatio.

urn:nbn:de:hbz:466:1-40716

Clerici ciuilibus legibus nunquam videntur obli- 6
gari directe & ex virtute ipsarum legum, sed solum
indirecte, quia id naturalis æquitas postulare vide-
tur, cum alioquin communis pax inter ciues difficile
seruari possit; quæ ratio mouit summos pontifi-
ces aliosq[ue] p[re]latos, vt eiusmodi iustas Princi-
pum leges approbarent, & Clericis omnibus obser-
uandas præciperent; imò etiam vellent secundum
eas in foro Ecclesiastico iudicari, vbi Canones defi-
cient, iuxta c. innotuit, de arbitris. Sicut leges no[n]
dignantur sacros Canones imitari; ita & sacrorum
statuta canonum, Principum Constitutionibus ad-
iuuantur.

C A P. XIV.

*De Effectu legis, ac precepti humani, quæ
est obligatio.*

L Egislator tam ciuilis quam Ecclesiasticus obliga- 1
re potest subditos in Conscientia, siue sub pec-
cato; quia legitimus Magistratus, vtitur potestate à
Deo data, tanquam minister Dei. Sap. 6. Rom. 13. 1.
Pet. 2. Ergò non minus ipsi iusta præcipienti obediri
debet, quam si Deus per seipsum præcipiat.

Vt lex sub mortali obliget, requiritur intentio Le- 2
gislatoris (quia actus agentium non operantur ultra eo-
rum intentionem arg. l. non omnis. ff. si certum peta-
tur) & materiae grauitas siue capacitas aut contem-
ptus in rem leuem præcipientis.

Interdum materia, quæ secundum se leuis, relata;
ad communitatem & publicam pacem grauis est; atq[ue]
capax obligationis sub mortali, vt videre in peccato
Adami, ratione finis grauissimum erat, quia in
signum

signum recognitionis obedientiae Deo rerum omnium authori debitae, & quasi tributum humanæ subiectionis erga Deum est. Et peccata militum propter exiguum furtum mortem luentium.

4 Ex verbis, quibus Legislator usus est, colligi debet, qualem obligandi intentionem habuerit, v. C. Monemus, hortamur; præcipimus, mandamus; præceptum sub mortali: Præcipimus in Virtute S. Obedientiae; grauius. Verba, Caveant, operter, volumus, ordinamus; consideranda sunt iuxta pœnam adiecitam & circumstantias. Inspicienda etiam consuetudo, & proborum hominum persuasio, quæ est optima Legum interpres, iuxta reg. 4. in 6. *Inspiciamus in obscuris, quod verisimilius est, aut quod plerunque fieri consuevit.*

5 Leges positivæ ordinariæ non obligant cum periculo mortis, mutilationis, grauis infamiae, aut bonorum magnæ iacturæ iuxta reg. 6. in 6. *Nemo potest ad impossibile obligari: quod autem valde difficile est, moraliter impossibile est.*

6 Interdum humana potestas præcipere vel prohibere aliquid potest cum periculo mortis, si videlicet ex obseruatione legis aut præcepti, maius Reipubl. commodum speratur, vel ex neglectis maius incommodum timetur, quam estimari debeat priuatum periculum mortis. Sic enim dux militum præcipit militi, ut stationem seruet cum vitæ discrimine; & summus Pontifex, ut cum simili periculo sacerdos fidem paganis prædicet.

7 Silegis positivæ transgressio cessura est in contemptum legislatricis potestatis, aut fidei Christianæ detrimentum, tunc ipsa etiam naturæ lex obligat ad obseruationem, quamvis cum vitæ dispendio.

Cen.

Censura Ecclesiastica non obligat cum grauissimo periculo, quia non est intentio legislatoris, ut obliget.

Sacrificare sine sacris vestibus licitum est ad gravissimum periculum mortis &c. Vitandum, modo id non cedat in contemptum Religionis.

Matrimonium cum impedimento ditimente licite V.C. cum consanguinea contrahitur ob metum grauem, sed non licite consummatur ante Papæ dispensationem, quia est copula fornicaria, & incestus.

Lex Carthusianorum de carnium abstinentia semper obligat; excepto casu si nullo alio cibo, praeter carnes, suppetente, lex naturalis dicit vitam praesenti alimento seruandam esse. Quam diu vero alij cibi suppetunt, laudabilis illius Ordinis consuetudo ita regulam interpretatur, ut fas illis non sit, cuiusque aegritudinis occasione; carnibus vesci. Quia si alij cibi haberi possunt, carnium esus non est absolute necessarium medium ad vitam seruandam: diutius autem vitam prorogare delicatiore cibo nemo tenetur, si id à vita instituto alienum sit, maiusque & publicum bonum virtutis ac regularis obseruantiae impedit vel imminuat.

Lex non extendit se ad praeterita sed ad futura. Nam causa prior est effectu suo, & ad praeteritum non datur potentia: Consequenter Lex superueniens non potest obligationem imponere aetibus factis: sed solum facientis. Quod vero attinet ad effectus Legis; cuiusmodi sunt; declarare, poenam delicto statuere, formam auctui prescribere, & aliter factum infirmare, nihil obstat, legem ad praeterita etiam extendi. Nam lex, quatenus solum declaratoria est:

est. V. C. matrimonium tali modo contractum pro inualido habendum esse; etiam ad præterita se exten-
dit. Quatenus vero lex nouam pœnam delictis sta-
tuit ordinariè intelligenda est de peccatis commi-
tendis.

C A P. XV.

De Lege pœnali.

L Ex vel est absolute obligatoria sine adiectione pœnae; vel est merè pœnalis, sine obligatione sub culpa; vel denique est mixta, quæ tum sub culpa, tum sub pœna obligat.

Lex purè pœnalis est, cum Legislator solum ad pœnam, & non ad culpam obligare intendit. Nam saepè ad animarum pericula cauenda, expedit in Communitate conscientias non obligari sub culpa & nihilominus quasdam constitutiones fieri boni publici causa, cum obligatione ad pœnam, ut in Regione fit.

2 Cculpa interdum strictè accipitur pro defectu coram Deo culpabili Deut. 25. interdum verò latè, pro quo cunque defectu mortis, saltem politicè culpabilis quamvis nulla præcedente culpa seu peccato, iuridicam regulam 23. in 6. *Sine culpa, nisi causa subsit, nemo est puniendus;* Sic prælati Regularibus, Patres filijs, obediens regulares, & culpas ciuiles, & domesticas, qui uis coram Deo innoxijs, pœnam irrogare possunt communis disciplinæ gratia.

Ex grauitate adiectæ Pœnae mortis, mutilatione exilij, &c. coniectura sumitur de mente Legislatorum sub mortali culpa obligatis. Exemplum habes in decretis Principum sub pœna corporali ferarum versionem prohibentium. Quod si simplex pecunia multa legi adiuncta sit; partim ex materia & fine,